

四庫全書

集部

欽定四庫全書

集部
滄海遺珠
目錄
卷一

詳校官中書臣瞿照

助教臣常循覆勘

覆校官編修臣沈孫璉

校對官中書臣田尹衡

謄錄監生臣何永濤

欽定四庫全書

集部八

滄海遺珠目錄

總集類

卷一

題顧定之墨竹

題讀碑圖

題蘆花散人小像

題畫梅

題澄碧樓

題唐伯剛貫月軒

奉同謝雪坡次韻楊孟載

走馬燈

題蘭亭長咏圖

題暎雪圖

三友圖

呂德叔小小齋

題畫

題桃花白頭翁

題桂花十二紅便面

題紈扇美人

題絡緯圖

已上朱經作

古意

清麗曲

懷丁鶴年高士

和蒲菴禪師查峯夜坐二首

題邊文進仙山樓觀圖

題吳彥嘉所藏張秋蟾龍圖

觀吳孟周司訓真草書譜

東歸謠送貝仲琚回吳中

和馬貫五松小龍女歌

復和五松小龍女歌荅蘆軒

贈相虛中上人

過太湖

過延陵

寄蘇太史

留別選禪師

遊槎峯

登秦駐山

登子胥廟因觀錢塘江潮

送賈彥德訓導霍丘

送僧遊浙西

讀列女傳賦巴陵韓氏女

送殷文學之關中

謝山中惠炭

陳虛中外史煮石窩

山窓獨坐

楊柳詞二首

題美人圖

閑居

山中絕句

江南詞

夜坐

已上方行作

雜詩

月下獨步有感

題黃花驛觀湘亭

金少隱詩集卷之二十一
目錄
拳毛騮歌次王汝玉韻

出鬼門關

寄伯禮兄長

夜坐有感

過洛社留寄李耕隱

題淘金驛丞謝子良清隱書房

雨中過韶州

題趙師吉梅林生卷

題畫梅別卷

竹枝歌送蕭月潭

題淘金驛

過君山

題五羊驛

過廬山

已上朱琳作

賦旭菴

搗衣曲

西旅獻藝圖為居止善賦

老龍引子歸潮圖

荅朱文榮

秋夜偶成

贈雲教授

贈日本僧演此宗

舟至辰陵磯與楚百戶等言別

寄友人

秋夜

題倪雲林畫

已上曾烜作

寄楊子東

寄素軒公

已上周昉作

題江南秋晚圖

馮虛子

題蓬萊深處

和王太原中秋韻

送王格心考滿

酒船圖

五華山圖

小景

題畫

畫梅

題畫

已上韓宜可作

卷二

題江南秋晚圖

瑤臺翫月

羅盤書屋

劍閣圖

題畫扇

賀西平侯大人平越州

題畫

題畫草木奇峰

題畫馬

已上王景彰作

采蓮曲

題深上人松月軒

送鏡中照上人兼東斗南和尚

已上樓璉作

送別

脩竹美人圖

和高季迪將進酒

湘竹簫歌

春曉美人圖

題畫

新秋早朝

左掖聞鶯和鄭孟宣助教

送太平劉知府復任

送鄭尚書致仕

客懷

瓜洲道中

早朝待漏題楊諭德竹

題畫

方壺畫

題天師竹

林塘佳趣

題竹贈別呂希暘從役

題倪元鎮畫荆溪清遠圖

已上王汝玉作

畫眉

舟下淮水

宿山中寺

德公院

閨怨

芙蓉辭

使回沂州

訪友人居

郊墟池館

晚宿王衡家

遊廣東清遠峽山寺

登浪穹縣護民寺

遊寺寄統有宗集仲祥

古淵房閑書和韻

月堂室中閑題

簡澤雨田

喜總戎班師

呂氏水石居

江堤晚眺

晚思

涉溪

已上逢昶作

光霽堂

玉盤驪珠

謝惠朱宣仲畫

題水月亭卷

次陳東之韻題夏珪溪山清遠卷

喜曾翰林奉使交趾回二首

寄演此宗

憶滇春

謝寄符

題黃鶴山人王叔明畫

題丁野夫畫

王永真竹居

釣絲風

謝粘衫

送陳孟顥先生歸鄞

奉國公大人

次韻春日京華

次韻舟中

題士女

已上平顯作

卷三

古意

詠懷二首

題青山白雲圖

發松林驛

九日泊舟潯陽

夢遊昆陽海口

李得全家賞薔薇

謝惠酒

次韻二首

次韻晚入五華寺

挽光古遠先生

挽鑑機先和尚

春暮

次韻

次韻坐法正寺

已上胡粹中作

與友人同飲山閣

寄桂宗敬

次松雨平先生韻

謝惠華陽巾

謝斗南禪師惠竹杖

南城偶題

劉公柳溪詩

目錄
寄鄧氏養拙齋

送人還鄉

早起

已上楊宗彞作

憶弟

夜雨迷懷

題鎮南門城樓

送吳素齋還淮安

已上劉叔讓作

過楊井山

早起

江山秋懷

江夜

憶鄉中諸故友

書懷

題畫蘭

已上楊子善作

悼貞婦

古東門行送別金彥楨

拜謁黔寧王廟

荅俞都御史海上見寄二首

已上張洪作

古意四首

次喜雨詩韻

謝賜衣

鳴鳳歌

題春山勝覽

閒情

述懷

山莊小酌

齋居

送素軒公迎總戎自交趾回

和僧中庭韻

題山水

已上范宗暉作

卷四

送姚臨湘舜絃

送性泉吳文學東還

題梅得芳杏林圖

貧樂軒

登碧雞山寄陸伯瞻劉子偉

梁山白雲卷為卞千戶題

怪木竹石圖

送人還廣陵

歸燕

次瞿塘峽

寄浙江王氏得月樓

寄伯瞻

目錄
沙津送客登望江亭

送譚孟端

秋塘曲

楚畹春風

巴陽夜泊

塞上曲

南行途中寄錢塘親友

曹溪夜泊

漁人

讀程原道昆陽詩悵然有懷

試筆

已上施敬作

寄南珍

題龍闕水樓

次韻惟心見寄

贈李生

送僧歸重慶

哭宋士熙

呈同社諸友

夢裏湖山為孫懷玉作

長安春日作

榆城聽角

暮春病懷

已上僧天祥作

寄西山石隱

長相思

寄仲翔外史

送別

挽遼光古先生

梁王閣

滇陽六景

金馬朝暉

卷之二
目錄
碧雞秋色

玉案晴嵐

滇池夜月

龍池躍金

螺峯擁翠

除夕

寄石隱

聞笛

送僧歸石城

雪夜偶成二首

已上僧機先作

挽遼光古

已上僧大用作

臣等謹按滄海遺珠四卷舊本不載撰人名氏前有正統元年楊士奇序稱都督沐公所選又稱其字曰景顥黔寧王之仲子佐兄黔

國公為朝廷鎮撫西南一方考明史黔寧王
沐英子三人長春字景春次晟字景茂次昂
字景高無字景顥者考正統元年晟為黔國
公鎮雲南昂為右都督領雲南都司與佐兄
鎮撫西南者合疑昂初字景高仁宗即位以
後避諱而改為景顥則此書當為昂所撰矣所錄凡
朱經方行朱絀曾烜周昉韓宜可王景彰樓
璉王汝玉逢杲平顯胡粹中楊宗彝劉叔讓

楊子善張洪范宗暉施敬僧天祥機先大用
二十一人之作共三百餘首皆明初流寓遷
謫於雲南者每人姓名之下各註其字號里
居以其為劉仔肩王偁諸家詩選所不及故
曰遺珠其去取頗為精審在明初總卷之中
猶可稱善本非萬歷以後諸選聲氣標榜珠
礫混淆徒災黎棗者比也乾隆四十二年三
月恭校上

總纂官臣紀昀臣陸錫熊臣孫士毅

總校官臣陸費墀

滄海遺珠原序

詩本性情關世道三百篇無以尚矣自漢以下歷代皆有作者然代不數人人不數篇故詩不易作也而尤不易識非深達六義之旨而明於作者之心不足以知而言之蕭統之選古高適姚合輩之選唐下逮宋元亦各有選其采之不詳選之不當皆不免於後來之譏蓋選之不當者識之不明也近代選古惟劉履選唐惟楊士弘幾無遺憾則其識有過人者矣我國家文運隆興詩

道之昌追古作者選錄者不啻十數家然惟劉仔肩王
偁所錄為庶幾焉仔肩過略偁錄雖精且詳而猶未免
於有遺也都督沐公以其所得名人之作擇其粹者通
古近體三百餘篇皆前選所不及者名滄海遺珠將刻
以傳屬余序余閱其詩大抵清楚雅則和平婉麗極其
趣韻瑩然夜光明月之珍可愛可玩而可傳也有以知
都督公之識之明矣公字景顥黔寧王仲子方以忠謨
宏略佐兄黔國公為朝廷鎮撫西南一方而綏靖餘暇

適情吟咏以及斯事非兼文武之智而能之哉然今好文之朝天下之廣制作之富有遺而可錄者未必止此此殆其權輿者乎正統元年歲次丙辰十有一月七日榮祿大夫少傅兵部尚書兼華蓋殿大學士廬陵楊士奇序

欽定四庫全書

滄海遺珠卷一

明 沐昂 編

朱經

字仲誼杭人號玩齋

題顧定之墨竹

虎頭諸孫總痴絕老安不痴乃用拙憶在吳中寫墨君
雪楮冰縑每飄撇妙處不減文湖州同時更有柯丹丘
眼底只今無此客使我悵悵懷風流蒼梧想見斑竹活

看畫忽焉憂思豁安得二老從之遊搔首涼風起天末

題讀碑圖

孝娥碑在曹江濱誰其作者邯鄲淳中郎八字因贊美
後來索隱寧無人老瞞久欲窺神器既見此碑心若愧
較三十里乃遁辭姦雄寔憚楊脩智脩乎脩乎智有餘
用之治世將無如露才揚已古所忌况復漢賊基黃初
今我憮然觀繪墨懷賢為爾傷難肋研磨銅雀臺上瓦
點染霜毫動秋色絕妙好辭天下無異代讀碑傳作圖

長歌落日西風起酒酣擊缶聲鳴鳴

題蘆花散人小像

朔雲化石忽五彩石也能言泣真宰玉堂調笑辭金魚
月冷西湖醉魂在風流憶爾承平時接籬倒著驢倒騎
仙遊何處驚墮影秋空冥冥如見之黃鶴飛鳴杳無跡
西風滿地蘆花白玉龍吹斷不可招空掩畫圖三歎息

題畫梅

疎烟小暈生瑤島仙鑑星明試粧早雲母圍風曉未寒

玉龍嘶天春不老憶昔相逢萼綠君別來珠珮留蒼雲
素鸞驚舞月破碎瓊臺歌斷音紛紛靈魄解點玄霜汁
粉靨冰花照人濕返魂竟失篋中香翠羽悲啼聲轉急
紛吾欲下巫陽招楚騷遺恨湘川遙書憑鳳女雙飛翼
淚掩鮫妃一尺綃

題澄碧樓

燕入雨侵簾鷗棲月近簷白紵三泖曲青隱九峰尖夏
簟風漪展春醪雪乳拈元龍憐遠客高卧想無嫌

題唐伯剛貫月軒

使君文采歛翩翩投檄歸來志浩然
新構鳳麟洲上屋
恰如書畫米家船
干將破壁龍俱化
脈望飛空蠹亦仙
更試囊中五色筆
桂花香露洒銀箋

奉同謝雪坡次韻楊孟載

紫薇花下月波涼
謝傅風流錦作裳
況有鳳團新賜茗
猶餘雞舌舊含香
仙槎杳杳秋無際
宮漏沈沈夜未央
荅贈揚雄詩句好
野人傳誦下吳航

走馬燈

清時何事及宵征人馬蕭蕭夜向明
厓風前微有影
銜枚月底寂無聲
一身轉戰三千里
數騎看為百萬兵
待得燒燈佳節過
烽烟永息賀昇平

題蘭亭長咏圖

蘭亭已榛委衣冠
非昔年吁嗟觴詠樂
猶託畫圖傳

題映雪圖

夜雪明書几
寒風入緼袍
如何燒鳳蠟
只解飲羊羔

三友圖

冰雪淡相看心期許歲寒莫同桃李伴容易及春殘

呂德叔小小齋

齋居不自大容此眇然身汎覽乾坤內俱為逆旅人

題畫

隱者山林得靜便松風不動興悠然竟將塵事拋身外
只許泉聲到耳邊

題桃花白頭翁

前度劉郎阻勝遊
漫歌風雨替花愁
自憐人與春俱老
底事幽禽也白頭

題桂花十二紅便面

金粟枝頭十二紅
何年飛向廣寒宮
素娥只愛青鸞舞
且近瓊樓立晚風

題紈扇美人

蝶粉蜂黃滿眼新
小園微步不勝春
白團欲把歌唇掩
生怕流鶯也妬人

題絡緯圖

牽牛風露滿籬根
淡月疎星夜未分
燈下有人拋錦字
機絲零亂不成文

方行

字明敏號東軒
其先黃岩人

古意

青松百千尺
亭亭蔽浮雲
下有螻蛄穴
上有烏鵲羣
兔絲附其枝
茯苓陰其根
盤踞托厚地
實維造化神
玄冬霜霰繁
積雪埋崑崙
萬卉皆凍死
此物獨能存
吾將比

蟠木坐閱三千春

清麗曲

江花繞瓊闕綠水帶珠樓
開宴坐清夜飛觴凌素秋
美人明月珮仙客紫雲裘
生世真飄忽應當秉燭遊

懷丁鶴年高士

白雲生虛堂滄江夜來雨
念子素抱清守道猶處女
離別月幾圓流光歛如許
佳期悵芳歲緬懷在知己
爰我山中癯曠焉隔秋水
結佩貽遠情含睇不能語
松花再

開時願言寄千里

和蒲菴禪師查峯夜坐二首

在昔多夙願志藏岩壑間
朝看飛鳥出暮逐浮雲還
微雨南澗來涼颼滿空山
振衣千仞外逸駕誰能攀

人生固恒理萬化俱同原
素抱既不展淹留復何言
願期高世翁談道窮晨昏
空林冀有約違已非所論

題邊文進仙山樓觀圖

仙人綠髮懸雙瞳能移崑崙
崑崙開華嵩為我一掃瀛洲
趣

中有千年不死青芙蓉飄飄烟霞入君手深林蔽暮桃
源口蒼烟颯颯鸞競飛丹崖恍恍龍驚走赤城掩靄天
姥迴石梁倒掛雙瓊臺桃花半壁鏡中見古木盡化青
猿哀素娥迴颯下瑶殿明星玉女長相見邀子為作商
山歌坐看桑田幾經變丹霞亂飛桂林表手翳瓊枝拂
瑶草天風吹入西瑶池王母秋眉颯衰老瑶池花暖春
未凋三十六宮散瓊瑶青霓錦帔耀雲月上元月下來
吹簫吹鳳簫擊霜絲君亦胡為弄參差他年倘惠金鵝

蒞寄聲蓬島長相思

題吳彥嘉所藏張秋蟾龍圖

張公畫龍人不識筆法遠自僧繇得掛向高堂神鬼驚
恍惚電光來破壁夜當渤澥開筆力元氣淋漓浸無極
吞吐日月天地昏摩蕩雲雷太陰黑江翻石轉竊莫測
雪濤捲空銅柱側洞庭扶桑非爾誰顛倒滄溟為窟宅
乃知前圖只數尺坐令萬里起古色何當置我君山湖
上之高峯聽此老翁吹鐵笛

金少府人三
卷一
觀吳孟周司訓真草書譜

古來書學宗史籀竹簡遺文象科斗鍾張真草更入神
片楮至今藏不朽先生下筆絕代無鳴玉綰結青珊瑚
況聞篆隸太倔強百金一字傳東吳墨池浸活玄兔頰
魑魅反走空堂靜金戟交撐日月輪銀鈎倒畫龍蛇影
歐虞褚薛真出羣精妙只數王右軍英姿老氣欲飛動
懸珠快劍相紛紜嗚呼百世誰復識我今作歌重刻石
莫同繭紙舊蘭亭閱入昭陵永難得

東歸謠送貝仲瑀回吳中

天目青逾藍上有危峯橫空插漢高巉巖滄海深莫測
下有六鰲迭負蓬壺方丈於其側山峻極兮水波瀾千
盤萬折行路難愁看混沌開鑿處尚有斧跡留人間父
山仙翁髮如雪曾蟠太和吐日月手中鍊石輕女媧五
色曾將補天裂憶聞羽客從之遊青霞光亂雲錦裘金
雞叫海白日慘桂樹四落空山愁昔年寒月照樽俎明
珠百斛輕於土君山鐵笛悲向人羞殺堂前柳枝舞君

歸東吳懷故廬明星古宅非吾居會稽泱泱浙江險誰
探千載太史禹穴之遺書興因東歸發遂作東歸謠他
年相憶五情熱應知淚濕雙龍綃

和馬貫五松小龍女歌

五松小姑龍帝女綽綽飛璫夜行雨天吳移海醉不歸
江色千年作誰主漂星輾月流翠滑青霓曳裾玳窓八
同心鏤結寄玉郎複疊毼毼製霞襪玉罌轉水月獨漉
綽繚香裙感蘭屋閒擲明珠贈宓妃一片長眉寫新綠

翠幄瑶殿罩何年排空鳳管衝九天割鮮不食起鳴絃
水波帖玉無驚烟

復和五松小龍女歌荅蘆軒

東方龍君降靈女騰颿曳烟輶雨撲花掃海神為悲
玉帝封為九河主貝宮銅龍刺雲滑彤臺鬪玉蛟柱八
瓊絲絡鳳騎紫霞金帖瓏瓏水晶襪鰲頭牽波月簸漉
翠幄銀屏沓珠屋倒窳天瓢澆火龍九點齊州一時綠
撾鍾勸飲邀萬年花宮盤盤象青天湘妃獻樂鼓冰絃

下窺四海銷氛烟

贈相虛中上人

一室安禪久三生結願頻傳經來帝子送食下天神水
月虛空相山雲自在身慈航如可渡應許姓龐人

過太湖

震澤留遺號行人指太湖封疆連舊壘形勢壓全吳水
落魚龍蟄天寒鴈驚呼扁舟思范蠡吾亦老樵蘇

過延陵

延陵懷季子遺跡古城東異代丹青在千年祭祀同高
情思挂劍遠識紀觀風欲問吳封處蒼烟落照中

寄蘇太史

城隅分手地江上斷腸時感此一日舊坐令千里思青
雲當自力白髮不須悲澤國多鴻鴈南來好寄詩

留別選禪師

分經蓮漏下幽徑石苔封却笑此時別更於何日逢敲
門思看竹解榻愛聽松明發孤舟去江雲千萬重

遊槎峯

北極高臨複道低，金銀臺殿與雲齊。
山中日月開新教，海內文章憶舊題。
西澗水深龍已化，東峰樹老鶴同棲。
清遊更擬陪諸老，絕壑天風散杖藜。

登秦駐山

此地曾經駐蹕來，秦皇遺跡尚崔嵬。
採窮滄海無靈藥，歸到驪山有劫灰。
萬里黑風迷鬼國，一杯弱水隔蓬萊。
詩人弔古多荆思，落日高丘首重回。

登子胥廟因觀錢塘江潮

吳越中分兩岸開，怒濤千古響奔雷。
子胥不作忠臣死，勾踐終非霸主材。
歲月消磨人自老，江山壯觀我重來。
鴟夷鐵箭俱安在，目斷洪波萬里回。

送賈彥德訓導霍丘

中都會面得從容，兩載同聽長樂鐘。
天近君門嚴虎豹，地寬人海混魚龍。
承恩自合歸宣室，論道安能老辟雍。
江柳春花增別恨，白頭何日更相逢。

送僧遊浙西

可嘆浮雲無定棲，錫飛又向浙河西。
杯從揚子江中渡，詩到生公石上題。
說法蓮臺花雨墜，安禪芝室夜星低。
他年元亮如同社，相送無勞限虎溪。

讀列女傳賦巴陵韓氏女

從容就死更題詩，才德兼全兩不遺。
恨骨已歸江海葬，芳名長共古今垂。
節高蔡琰胡笳曲，義重班姬述祖詞。
再拜魏公忠獻後，有孫端可正民彝。

送殷文學之關中

博士才名成老翁又隨聲教向關中百年禮樂今重見
萬國車書喜會同泰華雲開仙掌出昆明水冷却灰空
他時太史瞻星地應說奎光聚井東

謝山中惠炭

山木燒餘遠寄將色如玄玉淺含霜光浮土室三冬暖
氣逼寒爐五夜長吐出葛洪驚滿口吞來豫讓豈充腸
從今煨芋岩前客笑指松風石鼎香

陳虛中外史煮石窩

仙人高隱五雲邊
煮石曾令夜不眠
世上已聞飡玉法
山中休種采芝田
丹爐藥與青猿守
瀛海書從白鶴傳
歌罷洞章明月裏
祇應遺響落中天

山窓獨坐

日落大江黑
月上萬山靜
獨客坐寒窓
孤雲起前嶺

楊柳詞二首

韶華無限暗中消
搖蕩春光幾萬條
却怪晚來風定後

雪花飛滿赤欄橋

曲江南陌亂垂烟勾引春風入管絃惆悵幾株憔悴盡
與人長繫別離船

題美人圖

白玉簾開露氣浮芙蓉花近紫金鈎陽春一曲無人識
空拂銀箏下翠樓

閑居

絃管春深繞畫樓微風吹動玉簾鈎倡條冶葉俱無恙

相伴丁香結暮愁

山中絕句

滿溪流水碧於苔無客重登舊釣臺惟有多情沙上鳥
向人飛去又飛來

江南詞

暖氣晴嬌杜若洲沙頭狂客繫蘭舟采蘋多少江南女
搖蕩春光不自由

夜坐

蘭釭滅盡換寒更一枕餘香玉雪清怪殺無情樓上笛
攪人春夢到天明

朱琳

字士林

雜詩

天寒苦日短白露變為霜行行出門去周道悠且長衰
草被荒郊陰雲翳重岡俯觀溪流涸仰視鴻鴈翔豈不
懷所思慷慨熱中腸乃知四時間代謝本尋常

月下獨步有感

白月在青天照見地上影城荒鼓角悲露重衣裳冷草
砌蛩亂呼松巢鶴頻警徘徊復彷徨發我心內省

題黃花驛觀湘亭

湘水清可觀新亭翼弘敞面江瞰空濶據地得高爽遠
樹雜烟靄斷岸連篠蕩鴈影墮微茫漁歌荅清響三閭
不可弔蘭佩空想像二女時出遊翠蓋移惚恍繫予頗
好古到處寄幽賞貯目更如何澄波滌塵鞅

拳毛騮歌次王汝玉韻

李唐天廡拳毛騮蹙踏倒影凌飛霞侯家神駿豈遺種
遍身細纈旋螺花端陽射柳轅門道紫燕身輕拂柔草
鏤膺虎韞錦障泥響馬羣中看表表得雋歸來紅日西
汗溝珠血濡霜蹄解鞍滾罷起噴振奚奴牽入垂楊堤
南陌觀花宜按轡戲共王孫簇芳騎烏衣朱雀足追遊
自古金陵說佳麗皇風萬里清闕河尚方兵仗繡不磨
騮兮騮兮免負戈日日朝天鳴貝珂

出鬼門關

金匱要略卷一
北流仍在望喜出鬼門關自幸身無恙從教髮總斑昔
人多不返今我獨生還回首瓊山縣昏昏瘴霧間

寄伯禮兄長

春來見綠樹日夜憶連枝夢斷一千里愁連十二時鵲
鴿飛雨急鴻鴈度雲遲無柰音書絕其如鼓角悲

夜坐有感

夜分燈燼漏聲遲掩卷茫然不自支三月鶯花春去後
半窓風雨客愁時相如未遂題橋志季子猶持刺股錐

辛苦人生成底事姓名留得世間知

過洛社留寄李耕隱

故人近住林之東相望草堂雲氣中
舊時松竹想無恙暇日琴樽誰與同
作賦應能繼潘岳隱耕元不讓龐公
過門不入非為慢兩鬢塵埃愧轉蓬

題淘金驛丞謝子良清隱書房

驛官近日逢迎少清隱何妨結草堂
門對好山蒼霧濕窓連脩竹翠雲涼
侍童解誦閑居賦過客求書急就章

愧我驅馳塵滿面濯纓為爾詠滄浪

雨中過韶州

船下韶瀧日欲晡四山雲起景模糊沙鷗衝雨頻來去
汀樹迷烟半有無作客又驚三月暮思家其柰一身孤
愁懷浩浩渾如醉獨倚蓬窓聽鷓鴣

題趙師吉梅林生卷

金華山人有梅癖託物自號梅林生欲喚師雄談醉夢
恨無和靖結詩盟筆端幻出先春意胸次包含太古情

我亦從來松竹操願言與子保幽貞

題畫梅別卷

虞君瀟洒本天真絕似梅花玉樹春調鼎聲名知有在
可人風度更無倫冰霜凜凜能孤立桃李紛紛總後塵
他日相思渺何許巡簷一笑一情親

竹枝歌送蕭月潭

子期逝矣誰知音堪與茫茫勞我心石壇後夜好明月
憶爾琴中飛佩吟

題淘金驛

淘金驛前春色多紅桃綠柳映清波江南獨客悲時序
奈此東風淡蕩何

過君山

昔人曾與白雲遊我欲登臨一寫憂風滿征帆停不得
烟波回首思悠悠

題五羊驛

尉陀歸漢憶當時千古猶誇陸賈辭今日蠻夷俱向化

我來無語獨題詩

過廬山

廬山萬丈倚青冥，翠壑丹崖列畫屏。
不得維舟恣遊覽，塵埃滿面愧山林。

曾烜

字日章

賦旭庵

晨光散餘靄，大明麗東方。
伊人慎修為，從容整冠裳。
四簷萃虛白，開卷思遑遑。
寸陰惜輕逝，宴安當預防。
天君

金匱要略卷一
貴操存待旦知自強矯首對初暉盎然樂無央孰云虎
臣裔踐迹能升堂勗哉勿異途黽勉趨周行

搗衣曲

搗衣復搗衣空閨月冷風淒淒風前高下聲零亂客中
聽得偏腸斷斷腸應折大刀頭破鏡上天過一秋更深
力盡聞私語夫戍邊城幾寒暑新衣歲歲寄征人寄到
邊城衣不新客行雖遠有歸日久戍何時見家室願令
今古無別離夫耕婦織常相隨

西旅獻葵圖為居止善賦

非熊非羆聲豪雄蹄高四尺行追風武王戎衣定天下
西旅獻來名更隆止戈歸馬稱平治校獵沙場供祀事
太保胡為戒後王應恐禽荒墜先志葵搏鮮肥乃其職
嗾以噬人翻亂國閭公繪畫豈無心欲使當朝防失德
閭公狀物妙入神龍眠效之尤逼真玉堂松雪善模擬
三賢造車同一輪披圖細翫非花草鐵畫銀鈎書法好
居公慎勿示常人留作傳家子孫寶

金少卿先生集 卷一
老龍引子歸潮圖

海門秋氣橫江來怒濤殷地如奔雷蒼龍教子習潮勢
排風噴雪烟雲開憶昔深潭事冲舉直上穹霄輕一羽
曾噓數滴翻瓢漿散作九州三日雨只今回顧思潛蹤
引子不敢施神通却愁幼小易飄忽一瞬萬里天無功
我聞靈物多奇異潛飛大小皆隨意畫師恐是張僧繇
寫向生綃若真致龍今育子猶世人古來有欲皆可馴
何當重起秦龍氏愛養留作商岩臣

答朱文繁

南風送好音珍重比南金
寂寞經年別淒涼萬里心
弊裘仍戀體華髮已盈簪
誰識鄉關念時時動越吟

秋夜偶成

隴上俄聞梁父吟異鄉情緒獨難禁
寸錐未脫囊中穎斷木誰修爨下琴
夜雨驚殘歸國夢秋風催動搗衣砧
欲憑樽酒忘羈恨酒後那知恨轉深

贈雲教授

誰傳禮樂繼前王庠序昭回草木香漢道欲昌書再挾
秦灰未冷德先涼千年廟貌乾坤大萬古人倫日月長
共喜臯比開講席佇看池上集鸞凰

贈日本僧演此宗

達摩居嵩九載期此宗寂寂有誰知生從日本精三藏
老向雲南禮六時香滿墨池臨舊帖花明春鴈詠新詩
別來應有驚人句好寄東風慰所思

舟至辰陵磯與楚百戶等言別

江到荆湘兩派分
客情無柰況離羣
爾從三峽迎春水
我過重湖望楚雲
白帝至今啼蜀魄
蒼梧何處弔湘君
孤舟夜向巴陵泊
一曲商歌不忍聞

寄友人

與君離濶十年餘
兩過江濱候起居
咫尺猶如千里別
飄零不寄一行書
何時夏口同傾蓋
此日王門好曳裾
若問故人何似者
髭絲今已不勝梳

秋夜

何處偏能斷客腸
西風吹雨到池塘
都將萬疊青山恨
散作離愁一夜長

題倪雲林畫

梁鴻溪上草堂幽
紅葉黃花幾度秋
回首雲林人不見
西風落日思悠悠

周昉

字原亮
新城人

寄楊子東

錢塘舊友知誰在
萬里滇南見子東
夜市鬪茶涼雨後

晴湖載酒夕陽中
龍梭織錦翻新樣
風繡縈絲記舊工
不是吾儕不歸去
六橋行處草茸茸

寄素軒公

行馬縱橫禁謁時
不干聲色尚文辭
深藏結綠千金劍
少試抽黃七字詩
聚遠有樓堪縱目
在官無事且開眉
欲知王謝人家樂
霽月光風藹墨池

韓宜可

字伯時
山陰人

題江南秋晚圖

錢塘江頭潮正來我時放棹胸次開西風蕭蕭木葉脫
夕陽漸低沙鳥哀劃然一嘯海天碧吳越兩山雲盡白
圖中風景偶相同嗟我胡為久行役

馮虛子

馮虛子清且脩藐觀萬物如浮漚金莖一柱出天表青
田孤鶴橫高秋大鵬搏風九萬里下視塵寰渺烟水蜃
樓縹緲危接天夜半月明常獨倚四方上下隨所之茫
茫積氣將焉依居無室廬轍無迹鰲背豈有三山為空

中雞犬劉安宅我亦因之寄遐適飛光浩浩不少留回
首人間非宿昔列子御風已千載莊生化蝶今安在水
中漉月亦好奇管裏窺天竟無底太虛太虛問不應銀
河耿耿凝寒冰丹臺紫府不可登願歸大化何由馮

題蓬萊深處

聞道蓬萊別有春五雲深處隔凡塵松迷鶴逕渾無路
花暗簫聲不見人滄海日華翻貝闕三山霞氣逐飈輪
劉郎自是神仙侶何用天台更問津

和王太原中秋韻

未忍他鄉死便休每依南斗望中州
青天有月來今夕白髮無家度幾秋
客計空彈馮子鉞愁心長倚仲宣樓
明年此會知何在且賦新詩紀遠遊

送王格心考滿

冠蓋紛紛曉出城城頭送別更多情
功名誰謂歸年少刀筆從來屬老成
芳草東風沙上馬青山遲日柳邊鶯
子今莫恨頭先白千載猶聞丙少卿

酒船圖

春波橋頭水半竿
畫船如馬觸狂瀾
平生常恨江湖小
醉卧不知天地寬
隔岸好山青隱隱
環洲芳樹綠漫漫
懸知賀監歸來日
一曲晴光五月寒

五華山圖

五華之山山上頭
俯視東海如浮漚
豈無四萬八千丈
亦有五城十二樓
翠蕖影落中天曉
玉柱光含大地秋
何日相從陪杖屨
西風林外一長謳

金匱石室
卷一
小景

春色來何處桃花路欲迷為言垂釣者中有武陵溪

題畫


西風洞庭波落日蒼梧野擘茲瑤芳枝將以遺遠者

畫梅

湖西開遍梅千樹正在東風十日前月落參橫誰是伴
數聲孤鶴共清妍

題畫

山上白雲如水流
隔溪紅葉早知秋
幾年不復南柯夢
獨坐西風看白鷗



滄海遺珠卷一